

四庫全書

史部

欽定四庫全書

史部

欽定續通志卷一百二十三

通政使司副使臣施朝幹履勛

總校官原任侍講臣王燕緒

欽定四庫全書

欽定續通志卷一百一十五

器服畧

臣等謹案鄭志器服畧自序謂祭器出於禮圖宜

先辨其形製因列尊彝爵解之制於前寥寥數行  
十不及一不知三代法物首重鼎鐘他如罍舟壺  
爵尊觚簋簠敝盥盥之屬為食器者即為祭器  
又陶器始於上古禮稱器用陶匏古人製作著於

典籍者亦班班可考鄭氏俱畧而不載今續器服畧先列彝器援據博古考古諸圖及聶崇義揚復所編以至經史各子所載典物近古者撮其大端並辨其得失異同與累朝制度之更易者以類相叙至鄭氏所載服章制度悉本唐杜佑嘉禮典加之刪節今仍其例博取各史禮志及輿服儀衛諸志參以會要會典集禮諸書撮舉大要視鄭志稍詳而其文仍歸簡約云

鼎

鼎始於秦帝伏羲名曰神鼎至高而其製始備父乙鼎  
瞿父鼎乙毛鼎召夫鼎以字命名持刀父己鼎象形饗  
饗鼎立戈父甲鼎取其象形或三足或四足銘詞或紀  
其功或紀其時則後代之鼎皆同也周蛟螭鼎蟠夔鼎  
夔龍雷紋鼎夔龍侈口鼎饗饗鼎獸足鼎鱗紋鼎旋雲  
鼎穆公鼎黼鼎益鼎鮮鼎師寘父鼎伯郵父鼎其取義  
悉與商同秦時丞相樗里子作一鼎文曰智囊漢武帝

祀汾陰得寶鼎名曰汾陰寶鼎又登泰山鑄鼎其形如  
甕昭帝元平元年於藍田覆車山鑄鼎高三尺受五斗  
宣帝甘露元年於華山仙掌鑄一鼎高五尺受四斗後  
漢光武建武元年鑄一鼎其文曰定天下萬物伏三足  
高九尺明帝永平十年鑄一鼎於洛水高六尺其文曰  
蛟龍伏又鑄一鼎於穀水高五尺其文曰穀洛章帝元  
和二年於北嶽鑄一鼎高四尺無足其文曰鎮地鼎安  
帝延光四年鑄一鼎於少室山其文曰承露鼎順帝永

建六年鑄一鼎於伊水名曰魚鼎靈帝嘉平元年鑄一  
大鼎埋之鴻都門文曰儒鼎漢時臣下鑄鼎者揚震為  
太尉時作太尉鼎王朗為司空時作司空鼎又其小可  
置諸掌倣鼎而為之曰小鼎四圍各周以乳曰百乳鼎  
蜀漢章武二年於漢川鑄鼎名曰克漢鼎諸葛亮作八  
陣鼎魏曹操鑄一鼎於白鹿山高一文紀征伐戰陣之  
功古文篆書四足曹叡太和六年鑄一鼎曰萬壽鼎吳  
孫權黃武元年於彭蠡水沈一鼎其文曰百神助陽侯

伏孫亮建興元年於武昌鑄一鼎其文曰鎮山鼎晉懷  
帝永嘉六年鑄一鼎沈於瓜步江中無文字鼎似龜形  
王羲之於九江作書鼎高五尺四面周匝書遍刻之沈  
於水中皆直隸書宋高祖永初三年從秦中還紀功鑄  
一鼎於九江其文曰沸秦洛伏大漢古篆書梁武帝大  
通中鑄鼎蕭子雲書老子五千言沈之九江中陳武帝  
即位鑄鼎文曰元勳鼎宣帝鑄鼎文曰忠烈鼎常侍丁  
初正書唐武后時九鼎成后欲用黃金塗之姚璿進曰



鼎者神器貴質樸不得外飾乃止宋徽宗崇寧四年秋  
九鼎成奉安於九成宮以蔡京為定鼎禮儀使帝幸宮  
行酌獻禮殿中央曰帝鼐北曰寶鼎東北曰牡鼎東方  
曰蒼鼎東南曰岡鼎南方曰彤鼎西南曰阜鼎西方曰  
晶鼎西北曰魁鼎

臣等謹案鼎制崇乎古聖園以象陽方以象陰三  
足以象三公四足以象四輔黃耳以象才之中金  
鉉以象才之斷象饗饗以戒其貪象雌形以寓其

智作雲雷以象澤物之功著變龍以象不測之變  
至於牛鼎羊鼎豕鼎又各取其象而飾之大者謂  
之甕園弁上謂之甕其有腹著饜饜而間以雷紋  
者父巳鼎父癸鼎之類緣飾旋花象形鼎橫戈父  
癸鼎之類他如孟鼎之侈口中鼎之無文自方如  
簠分底如鬲設蓋如敦大小不同模範各異考士  
虞禮有上鼎中鼎下鼎有司徹司馬舉羊鼎司士  
舉豕鼎明堂位載崇鼎貫鼎天子之器三代之時

或為尋常日用之器或為子孫永寶用秦漢以降作者  
稍數云

尊

夏后氏之尊名山罍商持刀父癸尊祖戊尊蚩尊父己  
尊辛尊父乙尊父丁尊立戈癸尊從尊祖丁尊兄丁尊  
持刀父己尊諫尊龍鳳方尊周月星尊召公尊高克尊  
師觶尊取義與鼎同惟召公尊器蓋用銘高克尊師觶  
尊紀其寵錫銘至數十字

臣等謹案羣書考索尊之為言尊也周禮冪人以

疏布冪八尊尊或有益間有提梁皆為盛酒之器

云

罍

尊之大者為罍古者天子用玉罍諸侯大夫以金士以  
梓小罍謂之坎厠於六尊之間以盛三酒比於六尊周  
有義首罍素首罍象首罍麟鳳百乳罍饗食罍或文或  
素不同

臣等謹案罍之象形取義與鼎同或文或素或有蓋無蓋不同毛詩正義引鄭注司尊彝謂罍刻而畫之為山雲之形疑用木為之証以韓詩士用梓之說則惟士用梓而孔穎達疑大夫以上同用梓而加飾者蓋臆度之辭也

彝 舟附

古者司尊彝掌六彝之位彝皆有舟夏后氏以鷄彝商  
隳彝已舉彝子孫父辛彝子孫彝父丁彝立戈父甲彝

虎首彛周已酉方彛單彛召父彛叔彛雲雷寶彛伯映  
彛百乳彛高足彛凡彛皆有銘取義與鼎同高不踰尺  
或文或素不同

臣等謹案古者鷄彛筭彛虎彛盛明水黃彛雌彛  
鳥彛盛鬱鬯彛必有舟鄭氏謂舟尊下臺若今時  
承槃云

卣

古者卣為中尊尊彛為上罍為下卣居其中商持刀祖

乙酉執戈父癸酉內言酉田酉世母辛酉卦象酉立戈  
酉寶酉冊酉周師淮父酉單癸酉樂司徒酉漢四足酉  
取名之義與鼎同

臣等謹案酉以盛鬱鬯形製不一皆有蓋有提梁  
有銘文以記其作始文素不同漢以後不製云

### 壺

壺為禮器腹方口圓曰壺高貫耳弓壺兩耳以弓銘之  
有兩耳者可以貫繩又有啟姬壺仲丁壺周制觚稜壺

饗饗方壺盤雲壺文以盤雲交螭雲雷壺三螭壺四鸚  
壺漢大官壺綏和壺進鹿壺鳧壺小區壺圓壺漢以後  
之製或匾或圓其制愈多唐宋以後不僅作酒器或有  
提梁及蓋文素不同

臣等謹案壺始於商至周烝嘗饋獻用兩壺次於  
尊彝間所以盛酒云

爵斝

爵為飲酒器取其能飛而不溺於酒以寓傲焉古者刻



木為之繼以銅為之夏時曰琖商招父丁爵父乙爵祖  
乙爵祖丙爵父戊丁爵祖巳爵斧爵子爵中爵總爵雲  
雷爵周瑤爵大田爵篆帶爵玉爵子乙斝父丁斝山斝  
風紋斝雲雷斝漢虎斝皆兩耳三足有銘文素不同取  
名之義與鼎同

臣

等謹案觥一升曰爵斝與爵形相同名雖殊而  
用則一又按禮記載卑者舉角角受四升形與爵  
畧同云

觚

觚亦飲器商合孫祖丁觚子乙父丁觚女乙觚木觚龍  
觚四象觚周四山饗饗觚四虺觚蟬紋觚雷紋觚小圓  
觚素觚其形如瓶口大而腹小高不踰尺銘不過數字  
文素不同

臣等謹案觚受二升周禮梓人掌之此器於當中  
屹起四稜又考說文觚為鄉飲酒之爵又漢建光  
卮蟬紋卮匏斗螭首卮製與觚畧異皆飲器云

觶

觶亦飲器商五戈父辛觶立戈觶周父貝觶饗餐觶銘  
不過數字高不踰尺文素不同或有蓋

臣等謹按觶與觚異形設之祭祀燕享之間受三  
升又有散觥形製與觶畧相類云

敦

敦始於有虞氏之兩敦商已丁敦周散季敦師毀敦仲  
駒父敦敬敦姜敦宰辟父敦兕敦刺公敦師望敦異敦

周度敦虎耳敦夔足敦皆有銘高不踰尺或有蓋或有盤有耳文素不同銘或數十字紀勲烈也

臣等謹案周禮合諸侯用玉敦小宰主婦執金敦

敦制不同若鼎三足兩大耳其蓋有圈足可置諸地者宰辟父敦之類無蓋而下連方座毀敦之類上古用瓦中古用金或以玉飾或以木形各異云

### 簠簋

簠簋之用於周者有叔邦父簠太師望簠京叔簠素簠

皆有蓋或有銘高不踰尺文素不同周有魚豆單疑生  
豆蟠虺豆漢輕重雷紋豆或有蓋高亦不踰尺文素不  
同

臣等謹案韓詩外傳載舜飯乎土簋又云土墼即  
土簋則簋之制為最古矣又案周禮注疏外方內  
圓曰簋外圓內方曰簋考工記旒人為簋及豆則  
以瓦為之聘禮注簋以竹為之簋皆用木宣和博  
古圖所載則皆銅器又案左傳齊舊四量豆區釜

鍾注載釜十則鍾六十四斗也又小爾雅二缶謂之鍾博古圖有漢大官銅鍾蓋亦量器之一以銅製之云

甌

商時有父己甌父乙甌祖己甌高甌二鬯甌周垂花雷紋甌盤雲鬯甌純素甌漢偃耳甌商周之制高皆踰尺文素不同或三足而圓或四足而方惟漢制無足止六寸

臣等謹按周官陶人為甗鄭康成注甗無底甗又自闌以東謂之甗或謂之鬻至梁謂之鈔大抵皆蒸飪之具又按漢書郊祀志及說文云鼎空足曰鬻盛穀六斗其形如斛與甗甗畧相類云

### 盃

高阜父丁盃執戈父癸盃周單從盃嘉仲盃龍首盃雲雷盃三螭盃蛟螭盃麟盃螭虬盃粟紋盃細紋熊足盃漢鳳盃螭首虬紋盃或有耳有提梁有蓋有三足四足

文素不同取名之義與鼎同高不踰尺

臣等謹案說文從皿從禾為調味之器王安石謂和如禾則從禾者取和之意云

匱

高啟匱鳳匱三夔匱周父癸匱文姬匱義母匱孟皇文  
匱皆有銘或有蓋有耳取名之義與鼎同文素不同高  
或踰尺

臣等謹案內則敦牟卮匱非餽莫敢用公食大夫



禮小臣具盤匱即後世之洗器云

鐘

顓頊命飛龍氏鑄洪鐘垂作垂鐘炎帝孫岐伯因鼓遂  
為鐘黃帝作五鐘一曰青鐘二曰赤鐘三曰黃鐘四曰  
景鐘五曰黑鐘周官鳧氏為鐘有魚腹鐘九龍鐘十龍  
鐘千石鐘齊侯罇鐘蛟篆鐘遲父鐘聘鐘寶和鐘宋公  
經鐘雙夔鐘雙螭鐘特鐘素乳蟠夔鐘素乳鐘龍鐘立  
夔鐘篆帶鐘星帶鐘素帶鐘雷紋鐘旋紋鐘花乳鐘輔

乳鐘環鈕鐘虎鐘鳳鈕鐘雙鳳鐘苻葉鐘山紋鐘寶箏  
鐘漢辟邪鐘環鈕鐘饗饗鐘蕤賓鐘唯齊侯鐘銘至四  
百九十二字取名之義與鼎同或文或素或有垂帶或  
虬螭相向大小制各不同至南齊時製景陽鐘唐製漏  
鐘唯樂器之特鐘編鐘其製式歷代不易云

臣等謹案鐘為樂器制詳於考工記博古圖所摹  
於周代為獨多云

鐸

鐸始於夏周官鼓人以金鐸通鼓周有鳳棲鐸銘字作鳳棲木形又有雷柄鐸皆無銘

臣等謹按鐸有金鐸木鐸之分金鐸舌以金木鐸舌以木金鐸振武事若司馬之振鐸撫鐸官師鐸是也木鐸振文事若書禮所言徇以木鐸是也又案周禮鼓人以金鐸和鼓博古圖載有虎龍鐸山紋鐸圓花鐸繫馬鐸雙魚鐸鳳鐸虎鐸雉鐸皆象取名而無銘云

歷代陶器

臣等謹案范金合土謂之陶器考工記有陶旒諸職三代迄秦漢謂之甕而周書載神農作瓦器物原神農作甕則前民利用肇自三皇大尊瓦甒用之享祀實與鼎彝敦卣同為法物之傳今謹考撫羣書凡陶器之可考証者以類甄叙並詳其規模形製以補鄭志之闕焉

食器

神農作蠶及瓶缶黃帝作釜甑軒轅作盥櫛有虞氏作

瓦大

儀禮疏瓦大有虞氏尊

土簋土型周官陶人作甗盆缶壺簋

豆

考工記簋實一穀崇尺厚半寸脣寸豆實三而成穀崇尺

甗甗

爾雅甗甗謂之甗甗康瓠謂之甗

挈

壺灌甗經程

韓詩外傳齊桓公飲諸臣酒令曰後者罰一經程蓋酒器之大者

瓦卮漢

孟康瓠甗甗瓠瓠瓠

貨殖傳醯醬干瓠

儋瓊安哉

太平御覽李尤安哉銘安

哉今名甘旨是盛地埴之巧甄陶所成

晉縹瓷東甗彝器鶴觴罌

洛陽伽藍記河

東人劉白墮善釀以罌貯酒千里相餉謂之鶴觴

唐紫瓷盆越盃

陸羽茶經越盃上口脣不

卷底卷而淺受半升

內邱白瓷盃綠瓷杯瓷罌越甗邢甗高足盃

三楚新錄荆而瓷器皆高足謂之高足盤

宋瑪瑙袖小罍汝窯壺汝窯方圓

瓶

清祕藏汝窯較官窯質尤滋潤

官哥窯方圓壺立瓜卧瓜壺定窯瓜

壺茄壺駝壺青冬瓷天鷄壺建安兔毫琺

茶裏茶綠黑紋如兔毫

小海鷗紫盃銅葉湯斝哥窯八角把栝酒榼饒州花青

盃浙甕元饒州小足印花盃酒琺明永樂窯壓手栝宣

德窯白壇琺白茶琺紅魚乾栝硃砂大盃硃砂小壺成

化窯鷄缸嘉靖窯小白甌壇琺魚扁琺

祭器

有虞氏作泰尊

禮記疏  
秦用瓦

周作大壘瓦旒

禮圖祭天  
用瓦旒

漢大

尊

山堂考索大尊與  
甌形制容受同

魏陶尊唐大尊犧尊著尊象尊壺

尊概尊敬尊山尊廬尊山壘大羹和羹盥者餅牡丹餅

壺餅

日用器

周作登

爾雅瓦豆  
謂之登

餅

禮記尊  
於餅

漢康瓠晉軍持

庶物異名  
疏云瓠語

軍持此

言餅也 五代八缶

紺珠缶如水  
殘置卓上

陶硯

硯史硯連蓋蓋上  
有鳳餘雕雜花

宋三山五山筆格

考槃餘事  
哥窯所製

青冬瓷菊瓣水中丞細花

紋水中丞雙桃

注雙蓮房注蟾注

考槃餘事皆宋時官定官各窯所製

哥龍泉定筆洗

考槃餘事陶者有官哥元洗葵花洗磬口洗元肚洗四捲荷葉洗捲口蔗段洗

長方洗以粉青紋片朗者為貴又有龍泉雙魚洗菊花洗洗鉢盃洗百折洗又有定窯三緇元洗梅花洗緋環

洗方池洗柳斗元洗元口洗稜洗

鎮紙

硯北雜志筆硯問物曰鎮紙

印色池

考槃餘事官哥

窯方者佳八角委角者難得

彛鑪乳鑪

考槃餘事官哥定窯龍泉彛鑪乳鑪大如茶杯而式雅者

為香盒糊

考槃餘事方斗如斛中置一梁

書燈瓷簫

南村隨筆德化瓷簫色瑩白聲淒朗

遠出

瓷枕明敞口花尊

尊與瓶異瓶口小於腹尊腹小於口

坐墩

博物要覽五采

各色



欽定續通志

欽定續通志

子六

欽定續通志卷一百二十二

欽定四庫全書

欽定續通志卷一百二十三

器服畧

君臣冠冕巾幘等制度

臣等謹按鄭志本門列君臣冠冕巾幘等制度標題攷下首列冕次冠次弁次幘次巾等制其標題接行復列歷代冕弁一條所舉兩歧今為刪去以與下各標題畫一

宋制天子不備六冕有大裘冕冬至祀昊天上帝立冬祀黑帝立冬後祀神州地祇服之高宗紹興後加十有二旒廣八寸長一尺六寸前圓後方前低寸二分元表朱裏以繒為之玉笄玉瑱衮冕廣一尺二寸長二尺四寸十有二旒二纁並貫真珠又有翠旒十二碧鳳啣之在珠旒外金飾玉簪導祭天地宗廟朝太清宮饗玉清昭應宮景靈宮受冊尊號元日受朝冊皇太子則服之皇太子衮冕九旒犀簪導其臣下正一品九旒冕犀簪

二品七旒冕角簪三品五旒冕後又改為鶯冕八旒毳冕六旒締冕四旒元冕無旒

遼制天子衮冕垂白珠十有二旒以組為纓色如其綬黻纁充耳金飾玉簪導祭祀宗廟遣上將出征飲至踐阼加元服納后若元日受朝則服之

金制天子衮冕廣八寸長一尺六寸青羅為表紅羅為裏前後珠旒共二十四黻纁二玉簪導皇太子衮冕白珠九旒紅絲組為纓青纁充耳犀簪導

元制天子衮冕廣八寸長一尺六寸前後珍珠旒各十二  
黹纒二朱絲組為纓玉簪導皇太子衮冕白玉九旒  
紅絲組為纓青纒充耳犀簪導

明太祖洪武十六年定衮冕之制玄表纁裏前後各十  
有二旒紅絲組為纓黹纒充耳玉簪導祭天地宗廟服  
之皇太子衮冕九旒紅組纓金簪導陪祀天地社稷宗  
廟及大朝會受冊納妃則服之親王衮冕九旒助祭謁  
廟朝賀受冊納妃服之

通天冠

宋制天子通天冠仁宗天聖中改綠承天冠二十四梁加金博山附蟬十二高廣各一尺青表朱裏

首施朱翠黑介幘組纓翠緜玉犀簪導凡四孟朝獻景靈宮郊祀明堂詣宮宿廟進胙上壽兩宮及端門肆赦並服

之遠與宋同金亦如之元不置明亦與宋制同

遠遊冠

宋制皇太子遠遊冠十八梁青羅表金塗銀釵花飾犀簪導紅絲組為纓加博山附蟬受冊謁廟朝

會則服之遼皇太子遠遊冠三梁加金附蟬施珠翠黑介幘髮纓翠緜犀簪導謁廟還宮元日冬至朔日入朝服之親王及諸王則青緜金皇太子遠遊冠十八梁金塗銀花飾博山附蟬紅絲為纓犀簪導

進賢冠

宋制諸臣唯一二品服進賢冠五梁塗金銀花額犀玳瑁簪導立筆遼制三品以上進賢冠三梁寶

飾五品以上二梁金飾九品以上一梁無飾

貂蟬冠

宋制貂蟬冠三梁犀角簪導諸司三品御史臺四品兩省五品服元制亦同唯助祭則服之

獬豸冠

宋制官為御史則官有獬豸角兩梁犀角簪導金與宋同元制亦同唯助祭則服之

翼善冠

遼制皇帝翼善冠朔視朝服之明制皇帝及皇太子常服用烏紗折上巾亦名翼善冠

金文金冠

遼皇帝國服大祀服之

實魯袞冠

遼皇帝國服

進德冠

遼制九琪金飾皇太子服之

氈冠

遼制金花為飾或加珠玉翠毛額後垂金花織成夾帶中貯髮一總

紗冠

遼制如烏紗帽無簷不厭雙耳額前綴金花上結紫帶末綴珠



七寶重頂冠

元制天  
子冬服

珠子捲雲冠

元制天  
子夏服

金鳳頂漆紗冠

元制天  
子夏服

忠靜冠

明世宗嘉靖七年制品官之服仿古元端冠匡如制以烏紗冒之兩山俱列於後冠頂仍方中微起

三梁各壓以金  
線邊以金線之

保和冠

明嘉靖七年賜諸王以下服

折上巾

宋因唐制為天子常服皇太子亦服之遼皇帝及臣下亦有之明初翼善冠亦名折上巾

紫皂幅巾

遼皇帝  
國服

四帶巾

金國服以皂羅或紗為之上結方頂折垂於後項之下際兩角各綴方羅徑二寸許方羅之下各附

帶長六七寸  
當橫頭之上

貂蟬籠巾

宋臣下朝服貂蟬籠巾七梁貂鼠尾立筆金臣下朝服一品貂蟬籠巾七梁額花冠貂鼠立筆

犀簪導二品七梁冠銀立筆犀簪導三品四品五梁冠銀立筆五品四梁冠六品七品三梁冠元籠巾貂蟬冠為司

徒大禮使祭服明制公冠八梁加籠巾貂蟬立筆五折侯七梁立筆四折伯立筆二折

幘頭

唐制君臣通服製以藤織革巾子為裏紗為表常服則脚上曲入臣下垂束制君臣通服平脚乘輿或服

上曲連制臣僚常服用幘頭元亦為百官常服其交角幘頭巾後交折其角鳳翅幘頭式如唐巾兩角上曲作雲頭兩旁覆以兩金鳳翅控鶴幘頭制如交角金縷其額花角幘頭額上簇象生花皆儀衛之服明制唯樂舞生服幘頭

皮弁

明制皇帝視朝降詔降香進表四夷朝貢外官朝覲策士傳臚皆服之其制用烏紗冒之前後各十二縫

每縫綴五采玉十二以為飾玉簪導紅組纓皇太子皮弁前後各九縫每縫綴五采玉九金簪朱纓親王皮弁如東

宮親王世子皮弁各八縫每綴三采玉八那王皮弁各七縫每縫綴三采玉七

武弁

明制皇帝親征遣將服之冒以絳紗上銳

燕弁

明嘉靖中制皇帝常服制如皮弁冒以烏紗分十有二瓣各以金線壓之前飾五采玉雲各一後列四山

臣等謹按周禮有弁師之官司服亦掌韋弁弁之

制最為近古考之史志及會要會典諸書唐以後

無聞焉唯明制有之謹臚備於左云

帽 宋為帽子寧宗時為皇帝後服早講之服連國服有硬帽皇帝小祀之服元制天子冬服有金錦暖帽紅金苔

子暖帽銀鼠暖帽夏之服則有白藤寶貝帽黃雅庫特寶貝珠子帶後簷帽七寶漆紗帶後簷帽儀衛之服有學士

帽制如唐中兩角如匙頭下垂錦帽制以漆紗後幅兩旁前拱而高中下後畫連前中前額作聚文明制自郡王長

子以下至羣臣常服皆用烏紗帽內使冠服用烏紗描金曲脚帽侍儀舍人服用烏紗唐帽杖尉用金鸞羽帽

簪戴 宋制幘頭簪花謂之簪戴中興郊祀明堂畢回鑾臣僚及扈從並簪花枝謝日亦如之遇慶典及錫宴新

進士聞喜宴並如之

重戴 宋制以皂羅為之方而垂簷紫裏兩紫綠組為纓蓋折上巾又加以帽宋初御史臺服之新進士亦戴釋

否 禍則

鈇笠

元制天子夏服有寶頂金鳳鈇笠珠緣邊鈇笠金鳳頂笠

君臣服章制度 袍附

唐高宗上元元年制文武三品以上服紫金玉帶四品服深緋五品服淺緋並金帶六品服深綠七品服淺綠並銀帶八品服深青九品服淺青並鍮石帶庶人服銅鐵帶睿宗文明元年七月甲寅詔八品以下舊服青者並改以碧京文官五品以上六品以下七品清官每日入朝常服袴褶諸州縣長官在公衙亦准此

梁太祖開平二年十一月南郊禮儀使奏今檢詳禮文  
皇帝赴南郊服通天冠絳紗袍文武官及導駕士絳衣  
平巾幘

後唐莊宗同光二年七月太常禮院奏按本朝舊儀自  
一品至三品婚姻得服袞冕九章今皇子興聖宮使繼  
歲雖未封建官是檢校太尉合准一品婚姻施行明宗  
天成四年九月太常禮院奏來年二月十八日致齋於  
明堂准舊儀皇帝服通天冠絳紗袍文武五品以上著

袴褶陪臣著朝服

周世宗顯德元年正月一日敕節文今後升朝官兩任  
以上著綠十五周年者與賜緋

宋制天子之服大裘冕服大裘青表纁裏黑羊皮為領  
標襪朱裳被以袞服冬至祀昊天上帝立冬祀黑帝及  
神州地祇皆服之袞冕服袞服青色紅裙十二章青標  
襪裾大帶白羅中單革帶祭天地宗廟太清宮饗玉清  
胎應宮景靈宮受冊尊號元日受朝冊皇太子則服之

又有通天冠絳紗袍履袍鞞袍又有赭黃淡黃袍衫玉  
裝紅束帶大燕則服之赭黃淡黃襖袍常朝則服之又  
有窄袍便坐視事則服之其御閱服則以金裝甲乘馬  
大閱則服之皇太子袞冕用青羅衣紅羅裳九章白紗  
中單青標襖裾革帶從祀則服之其服遠遊冠用朱明  
服紅花金條紗衣皂標襖紅紗裳白花羅中單革帶受  
冊謁廟朝會則服之其常服皂紗折上巾紫公服通犀  
金玉帶諸臣祭服沿唐制有袞冕九旒青羅衣緋羅裳



九章白花羅中單革帶親王中書門下奉祀則服之毳  
冕七旒五章九卿奉祀服之元冕五旒無章四品五品  
為獻官服之六品以下紫檀衣朱裳其朝服戴進賢冠  
則服緋羅袍白花羅中單緋羅裙皂褙襖白羅大帶銀  
革帶六品以下無中單神宗元豐七年詔夏祭百官朝  
祭服用紗其公服因唐之制三品以上服紫五品以上  
服朱七品以上服綠九品以上服青其制曲領大袖下  
施橫欄束以革帶幘頭烏皮鞋自王公至一命之士通

服之又有紫衫本軍校之服高宗建炎後士大夫服之  
以便戎事紹興二十六年嚴禁士大夫母得以戎服臨  
民自是皆服涼衫以為便服孝宗乾道初因禮部侍郎  
王曠奏禁之其襪衫以白細布為之圓領大袖下施橫  
欄為裳腰間有襍積進士及國子生州縣生服之

臣等謹按禮記云三王異世不相襲禮夏叔殷冔  
各異其製各代損益隨時而禮徵從朔義崇敦本  
自北魏始起澆風變其舊俗至遼金元之世服飾

並更未幾而國勢浸衰淪胥游及史籍所載殷鑒  
具存洪惟

皇上念切紹衣訓行萬禩於

序禮器圖暨

評通鑑輯覽務懲輕易之弊前於館臣纂嘉禮典中於  
遼金元改服之由叙案未能明晰復降

諭旨訂正且

申示本

天本

祖饗

帝饗

親之

至論所以綿

景祚而昭來許者實亘古所未有茲續纂通志仍依通  
典之例於正史之外參用契丹國志大金國志諸  
書詳載改制之緣起云

遼國服之制大祀皇帝戴金文金冠則服白綾袍紅帶  
絡縫烏鞞小祀皇帝戴硬帽則服紅克絲龜文袍其朝  
服皇帝戴實魯袞冠則服絡縫紅袍垂飾犀玉帶絡縫  
鞞太宗更以袞冕錦袍金帶臣僚戴氈冠或紗冠服紫  
窄袍繫鞞鞞帶以黃紅色條裏革為之用金玉水晶釵  
石綴飾謂之盤紫太宗更以錦袍金帶羣臣高年有爵  
秩者亦賜之其公服之制皇帝戴紫皂幅巾則服紫窄  
袍玉束帶或衣紅襖臣僚亦幅巾紫衣臣僚便衣謂之

盤裏綠花窄袍中單多紅綠色貴者披貂裘以紫黑色為貴青次之又有銀鼠尤潔白賤者貂毛羊鼠沙狐裘田獵則皇帝幅巾擐甲戎裝以貂鼠或鶯項鴨頭為扞腰蕃漢諸司使以上並戎裝衣皆黑綠色太宗會同中太后北面臣僚並國服皇帝南面臣僚並漢服聖宗統和元年冊承天太后給三品以上法服興宗重熙五年尊號冊禮皇帝服龍袞北面臣僚並朝服自是以後大禮並從漢服其漢服之制祭服皇帝袞冕玄衣纁裳十

有二章朝服皇帝通天冠絳紗袍制度皆與宋同皇太

子遠遊冠絳紗袍制度亦與宋同唯皇帝公服戴翼善

冠服柘黃袍九環帶白練裙縐六合鞞皇太子戴遠遊

冠服絳紗單衣白裙襦革帶臣僚冠幘纓絳紗單衣白

裙襦常服五品以上紫袍金玉帶六品以下緋衣銀帶

八品九品綠袍瑜石帶又有綠巾綠花窄袍

按葉隆禮契丹國志所載

未詳  
何品

金初國服其皇帝視朝之服純紗幘頭窄袖赭袍玉匱

帶黃滿領太宗即位始加赭黃平居間暇皂巾雜服太子服純紗幘頭紫羅寬袖袍章宗明昌六年七月始定文武官承應人并及廕者係籍儒生章服制泰和元年禮官請攷漢唐之制更制祭服四年四月定衣服制先是熙宗天眷三年車駕將幸燕有司以通天冠絳紗袍進後又定制皇帝有袞冕服皇太子亦有袞冕服制度皆與宋同臣僚朝服戴貂蟬籠巾服緋羅大袖緋羅裙白紗中單金塗銀革帶公服文資五品以上紫服三師



三公親王宰相一品官服大獨科花羅執政官服小獨科花羅二品三品服散搭花羅四品五品服小雜花羅六品七品服緋芝麻羅八品九品服綠無紋羅凡武官皆紫服世宗大定十五年制曰袍不加襴非古也遂命文資官公服加襴其常服四帶巾則盤領衣烏皮鞋其束帶曰吐鵲其衣色多白三品以皂窄袖盤領縫腋下為襞積而不缺袴其胸臆肩袖或飾以金繡其從春水之服則多鵲捕鷺雜花卉之飾其從秋山之服則以熊

鹿山林為文其長中骭取便於騎也

元初立國冠服車輿並從舊制史志不載其國俗可考者天子積蘇冬之服凡十有一等服納奇實奇凌則冠金錦暖帽服大紅桃紅紫藍綠寶里則冠七寶重頂冠服紅黃粉皮則冠紅金荅子暖帽服白粉皮則冠白金荅子暖帽服銀鼠則冠銀鼠暖帽其上並加銀鼠比肩夏之服凡十有五等服塔納圖納奇實則冠寶頂金鳳鈇笠服蘇布特圖納奇實則冠珠子捲雲冠服納奇實

則帽亦如之服大紅珠寶里紅毛子塔納則冠珠緣邊  
鉸笠服白毛子金絲寶里則冠白藤寶貝帽服駝褐毛  
子則帽亦如之服大紅綠藍銀褐棗褐金繡龍五色羅  
則冠金鳳頂笠各隨其服之色服金龍青羅則冠金鳳  
頂漆紗冠服珠子褐七寶珠龍荅子則冠黃雅庫特寶  
貝珠子帶後簷帽服青蘇普金絲闌子則冠七寶漆紗  
帶後簷帽其百官積蕪冬之服凡九等大紅納奇寶一  
大紅奇凌一大紅官素一桃紅藍綠官素各一紫黃鴉

青各一夏之服凡十有四等素納奇實一聚線寶里納  
奇實一棗褐渾金間絲蛤珠一大紅官素帶寶里一大  
紅明珠荅子一桃紅藍綠銀褐各一高麗鴉青雲袖羅  
一駝褐茜紅白毛子各一鴉青官素帶寶里一世祖至  
元十二年十一月博士始議皇帝皇太子冕服其制尚  
簡成宗大德十一年九月博士又議唐制冕服重加更  
訂事未果行英宗初命禮儀院使巴爾斯濟蘇傳旨令  
省臣與太常禮儀院速製法度八月中書省會翰林集

賢太常禮儀院官講議依祕書監所藏前代帝王衮冕  
法服圖本命有司製如其式天子衮冕服十二章皇太  
子衮冕服九章制度與宋同臣僚祭服三獻官及司徒  
大禮使有籠巾貂蟬冠青羅服紅羅裙白紗中單銀束  
帶助奠以下諸執事官青羅服紅綾裙紫羅公服白紗  
中單銅束帶其百官公服制以羅大袖盤領一品紫大  
獨科花二品小獨科花三品散荅花四品五品小雜花  
六品七品緋羅小雜花八品九品綠羅無紋玉犀金帶

仁宗延祐元年十二月詔曰比年以來所在士民靡麗相尚尊卑混淆命中書省定服色等第凡蒙古及現當集賽諸色人等不許服龍鳳文其職官除龍鳳文外一品二品服渾金花三品服金荅子四品五品服雲袖帶襪六品七品服六花八品九品服四花御賜之物不在禁限

明太祖洪武元年學士陶安請製五冕太祖曰此禮太繁祭天地宗廟服袞冕社稷等祀服通天冠絳紗袍餘

不用三年更定正旦冬至聖節並服袞冕祭社稷先農  
冊拜亦如之十六年定袞冕之制袞玄衣黃裳十二章  
大帶玉革帶二十六年更定袞冕袞玄衣纁裳素紗中  
單世宗嘉靖八年諭閣臣張璉袞冕今何不用革帶璉  
對按陳祥道禮書革帶以繫佩數今不用失古制乃用  
革帶復為元衣黃裳帝諭衣有六章古以繪今以織裳  
六章古用繡亦當從之皇帝通天冠服絳紗袍深衣制  
白紗內單皂領標襪裾革帶皇帝武弁服親征遣將服

之嘉靖八年諭閣臣張璉云會典紀親征類禡之祭皆具武弁服不可不備璉隨具圖以進乃定制武弁服韎衣韎裳俱赤色佩綬革帶如常制又制皮弁服絳紗衣革帶皇帝常服洪武三年定烏紗折角向上巾盤領窄袖袍永樂初更定翼善冠袍黃盤領窄袖前後兩肩各織金盤龍一嘉靖七年帝以燕居冠服尚沿習俗更定燕弁服諭張璉考古帝王燕居法服之制璉乃采禮書玄端深衣之文圖註以進帝為參定其制諭璉詳議如



古玄端之制色玄邊緣以青兩肩繡日月前盤圓龍一  
後盤方龍二邊加龍文八十一領與兩袂共龍文五九  
衽同前後齊共龍文四九襯用深衣之制色黃袂圓袂  
方下齊素帶朱裏青表綠緣邊腰圍飾以玉龍九玄履  
朱緣紅纓黃結白襪皇太子冠服亦有袞冕袞服九章  
玄衣纁裳素紗中單青領標襪裾革帶其皮弁服絳紗  
袍本色領標襪裾素紗中單如深衣制皇太子常服烏  
紗折角向上巾袍赤盤領窄袖前後兩肩各織金龍一

親王袞服青衣纁裳嘉靖七年頒賜保和冠青質青緣服前後方龍補身用素地邊用雲襯用深衣玉色帶青表綠裏綠緣常服與皇太子同親王世子冕服七章青衣纁裳素紗中單青領襪革帶常服與親王同郡王冕服五章青衣纁裳中單領織黻文七常服與親王世子同郡王長子朝服七梁冠大紅素羅衣白素紗中單大紅素羅裳玉朝帶公服皂縐紗幘頭大紅素紵絲衣玉革帶常服烏紗帽大紅紵絲織金獅子開襟圓領玉束

帶其臣僚冠服尚赤祭服則上衣青羅皂綠下裳赤羅  
皂綠獨錦衣衛堂上官大紅蟒衣飛魚烏紗帽鸞帶佩  
繡春刀朝服定用梁冠赤羅衣白紗中單赤羅裳革帶  
公服則盤領右衽袍用紵絲或紗羅絹袖寬三尺一品  
至四品緋袍五品至七品青袍八品九品綠袍公服花  
樣一品大獨科花徑五寸二品小獨科花徑三寸三品  
散搭花徑二寸四品五品小雜花徑一寸五分六品七  
品小雜花徑一寸八品以下無紋常服用雜色紵絲綾

羅綵繡洪武二十四年定公侯駙馬伯服繡麒麟白澤  
文官一品仙鶴二品錦雞三品孔雀四品雲雁五品白  
鵝六品鷺鷥七品鴻鴈八品黃鸝九品鶴鷄雜職練鵲  
風憲官獬廌武官一二品獅子三四品虎豹五品熊羆  
六品七品彪八品犀牛九品海馬嘉靖中既定燕居法  
制之服閣臣張璁因言品官燕居之服未有明制詭異  
之徒競為奇服以亂典章乞更法古玄端別為簡易之  
制昭布天下使貴賤有等帝因復製忠靜冠服圖頌禮

部其服仿古玄端服色用深青以紵絲紗羅為之三品  
以上雲四品以下素緣以藍青前後飾本等花樣補子  
深衣用玉色素帶素履青綠絛狀元冠二梁緋羅圓領  
白絹中單進士烏紗巾深藍羅袍緣以青羅傳臚日服  
之釋菜畢易常服

士庶冠服

臣等謹按鄭志器服畧止載君臣服章而士庶缺  
焉今考各史志及會要會典所可酌載者撮其大

端以存各朝制度云

唐制國子太學四門生俊士參見之服黑介幘簪導白  
紗單衣青襟標領革帶庶人婚假絳公服

後唐明宗天成二年正月敕庶人商旅祇著白衣

宋制庶人服白流外官及貢舉人通許服皂仁宗天聖  
三年詔在京士庶不得衣黑褐地白花衣服並藍黃紫  
地撮暈花樣孝宗淳熙中朱子定祭祀冠婚之服時頒  
行之凡處士則幘頭皂衫帶

金章宗明昌六年制係籍儒生止服白衫領繫背帶並以紫圓條羅帶餘人用純紫領不得用緣雜色圓板條羅帶不得用紫世宗大定十三年太常擬庶人止許服純細絹布毛褐花紗無紋素羅絲綿其頭巾繫腰領帕許用芝蔴羅條許用絨織成者

元仁宗延祐元年制庶人除不得服赭黃唯許服暗花紵絲紬綾羅毛毳帽笠不許飾用金玉

明太祖洪武三年令士人戴四方平定巾二十三年定

儒士生員衣自領至裳去地一寸二十四年以士子巾服無異吏胥宜甄別之命工部制式以進太祖親視凡三易乃定生員襴衫用玉色布絹為之寬袖皂緣皂條軟巾垂帶世宗嘉靖二十二年禮部言士子冠服詭異有凌雲等巾甚乖禮制詔所司禁之庶人戴四方平定巾雜色盤領衣不得僭用金繡錦綺紵絲綾羅止服紬絹素紗其衣制長去地五寸

后妃命婦首飾服章制度



後唐莊宗同光二年太常禮院奏皇子興聖宮使繼岌  
婚禮其妃准一品命婦禮花釵九枝博鬢褕翟衣九等  
宋制后之服有禕衣朱衣禮衣緣用翟為章三等大帶  
隨衣色朱裏紕其外上以朱錦下以綠錦白玉雙佩大  
綬小綬施玉環惟鞠衣無翟文其首飾花十二珠並兩  
博鬢飾以九龍四鳳妃褕翟青羅繡為搖翟之形編次  
于衣青質以緞為領緣以搖翟為章二等其首飾花九  
珠並兩博鬢冠飾以九翬四鳳皇太子妃褕翟青質織

為搖翟之形以緞為領緣以搖翟為章二等大帶隨衣  
色上以朱錦下以綠錦白玉雙佩大綬小綬其鞠衣以  
黃羅為之無翟其首飾花九株並兩博鬢其后妃常服  
則用大袖生色領長裙霞帔玉墜子背子生色領皆用絳  
羅徽宗政和中議禮局上命婦之服花釵冠皆施兩博  
鬢寶鈿飾其翟衣皆用青羅繡為翟編次于衣一品花  
釵九株翟九等二品花釵八株翟八等三品花釵七株  
翟七等四品花釵六株翟六等五品花釵五株翟五等

以緞為領緣加文繡重雉為章二等

遼皇后祭山儀御絳帟絳縫紅袍懸玉佩雙結帕小祀  
皇后戴紅帕服絡縫紅袍懸玉佩雙魚臣僚命婦服飾  
各從本部旗幟之色

金皇后花珠冠前後花株十有二金九龍四鳳褱衣深  
青羅織成翬翟之形領標襪並紅羅織成雲龍大綬小  
綬施玉環大帶青羅朱裏紕其外上以朱錦下以綠錦  
宗室及外戚并一品命婦衣服聽用明金期親雖別籍

女子出嫁並同五品以上官母妻許披霞帔

按字文懋昭大金國

志金初富人多以紵絲綿紬為衫裳亦間用細布秋冬以貂鼠青鼠或羊皮為裘婦人衣曰大襖子裳曰錦裙

蓋係金初國服金

史失載附識于此

元后妃及大臣正室皆帶古庫勒衣大袍命婦衣服一

品至三品服渾金四品五品服金荅子六品以下惟服

銷金

明皇后冠服受冊謁廟朝會服禮服其冠圓匡冒以翡翠

翠上飾九龍四鳳大花十二樹小花數如之兩博鬢十

二鈿後定制飾翠龍九金鳳四皆口銜珠滴三博鬢飾以金龍翠雲皆垂珠滴翠口圈一珠寶鈿花十二翠鈿如其數禕衣深青繪翟赤質五色十二等素紗中單黻領朱羅縠標襖裾以緞為領緣用翟為章三寸大帶隨衣色朱裏紕其外上以朱錦下以綠錦玉革帶翟衣深青織翟文十二等紅領標襖裾織金雲龍文中單玉色紗為之紅領標襖裾織黻文玉革帶大綬小綬玉環玉佩下垂玉花玉滴常服龍鳳珠翠冠上飾金龍一翊以

珠翠鳳二皆口銜珠滴翠口圈一金寶鈿花九飾以珠  
金鳳二口銜珠滴三博鬢飾鸞鳳金寶鈿二十四邊垂  
珠滴其服則大彩霞帔衫黃霞帔深青織金雲霞龍文  
或繡或鋪翠團金飾以珠玉墜子琢龍文四袂襖子

即褙子

深青金繡團龍文又制鞠衣紅色前後織金雲龍文或  
繡或鋪綠襖襖子黃色紅領襦襜皆織金彩色雲龍  
文皇妃受冊助祭朝會禮服冠飾九翬四鳳花釵九樹  
小花數如之兩博鬢九鈿後更定九翟冠附以翠博山

大珠翟二小珠翟三翠翟四皆口銜珠滴翟衣青質繡翟編次于衣及裳重為九等青紗中單黻領朱縠襍襪裾加文繡重雉為章二等以緞為領緣玉革帶九嬪冠用九翟次皇妃之鳳大衫鞠衣如皇妃制其內命婦冠服三品以上花釵翟衣四品五品山松特髻大衫為禮服皇太子妃禮服冠九翬四鳳翬鳳皆口銜珠滴大珠花九樹小珠花數如之雙博鬢飾以鸞鳳皆垂珠滴翠口圍一珠寶鈿花九翠鈿如其數翟衣青質織翟丈九

等紅領標襪裾織金雲龍文常服大衫霞帔外命婦朝服一品花釵九樹兩博鬢九鈿金翟衣繡翟九重玉帶金繡文霞帔二品花釵八樹兩博鬢八鈿翟衣八等犀帶金繡雲肩大雜花霞帔三品花釵七樹兩博鬢七鈿翟衣七等金革帶金繡大雜花霞帔四品花釵六樹兩博鬢六鈿翟衣六等金革帶繡小雜花霞帔五品花釵五樹兩博鬢五鈿翟衣五等烏角帶銷金大雜花霞帔六品花釵四樹兩博鬢四鈿翟衣四等七品花釵三樹



兩博鬢三鈿翟衣三等皆烏角帶衣銷金小雜花霞帔  
八品九品衣大紅素羅霞帔後又定制命婦朝見君后  
在家見舅姑并夫及祭祀則服禮服公侯伯夫人與一  
品同大袖衫真紅色一品至五品紵絲綾羅六品至九  
品綾羅紬絹霞帔褙子皆深青段品官次妻許用本品  
褙子為禮服

士庶妻首飾服章制度

臣等謹按鄭志器服畧后妃命婦之後不載士庶

妻今據各史及集禮會典所載者酌取大畧以存  
各代之制且以補鄭氏之未備云

宋太宗端拱二年詔除命婦許服銷金泥金真珠裝綴  
衣服外餘人並禁仁宗天聖三年詔婦女不得將白色  
褐色毛段並淡褐色匹帛製造衣服南渡後定婦人假  
髻大衣長裙衆妾假紉背子

金制婦人常服襜裙多以黑紫上衣謂之團衫用黑紫  
或皂及紺直領帶色用紅黃前雙垂至下齊年老者以

皂紗籠髻如巾狀散綴玉鈿于上謂之玉逍遙此皆遼服也金亦襲之許嫁之女則服綽子婦人首飾不許用珠翠鈿子等物

元制庶人家首飾許用翠花并金釵釧各一事惟耳環用金珠碧甸餘並用銀

明太祖洪武中定士庶妻首飾用銀鍍金耳環用金珠釧鐲用銀服淺色團衫用紵絲綾羅紬絹禮服惟紫絨不用金繡袍衫止紫綠桃紅及諸淺淡顏色不許用大

紅鴉青黃色帶用藍絹布

天子諸臣玉佩劔綬璽印

臣等謹案鄭志標題列天子諸侯玉佩劔綬璽印其稱諸侯蓋緣首載周制也今續纂唐以下各朝均無封建之制諸侯二字自應刪去改列天子諸臣以符下所載備舉上下各制之例

晉高祖天福三年六月中書門下奏准敕制皇帝受命寶今按唐貞觀十六年太宗文皇帝刻之玄璽白玉為

螭首其文曰皇帝景命有德者昌敕宜以受天明命惟德允昌為文刻之

周太祖廣順三年二月內司製國寶兩坐詔太常具制度因奏歷朝之制乃製寶兩坐用白玉方六寸螭虎鈕其一以皇帝承天受命之寶為文其一以皇帝神寶為

文

宋制天子衮冕有六采綬下垂小綬結玉環鹿盧玉具劍玉鏢首鏤玉雙佩絳紗袍佩有衡琚瑀衝牙大祭祀

大朝會皆執圭有大圭鎮圭皇太子袞冕有瑜玉雙佩  
四采綬結玉環玉具劍玉鏢首服遠遊冠則執桓圭亦  
有劍佩綬其諸臣祭服有玉裝劍佩錦綬玉環六品以  
下無劍佩綬朝服亦如之太宗雍熙元年南郊後內出  
魚袋賜近臣由是內外升朝冠皆佩魚凡服紫者飾以  
金服緋者飾以銀廷賜紫則給金塗銀者賜緋亦有特  
給者京官幕職州縣官賜緋紫者亦佩親王武官內職  
將校皆不佩太祖受禪即受周太祖廣順中所造二寶

又製大宋受命之寶至太宗又別製承天受命之寶是  
後諸帝嗣服皆自為一寶以皇帝恭膺天命之寶為文  
凡上尊號有司製玉寶則以所上號為文用玉箸篆文  
廣四寸九分厚一寸二分真宗大中祥符元年作天下  
同文之寶天禧元年作皇帝昭受乾符之寶仁宗慶曆  
八年詔刻皇帝欽崇國祀之寶皇祐五年作鎮國神寶  
又別造受命寶至哲宗立亦作焉其文並同徽宗崇寧  
五年作鎮國寶大觀元年又作受命寶方四寸有奇琢

以白玉篆以蟲魚政和七年帝自製寶文曰範圍天地  
幽贊神明保合太和萬壽無疆號曰定命寶方九寸其  
後諸寶俱失惟大宋受命之寶與定命寶獨存高宗建  
炎初始作金寶三一曰皇帝欽崇國祀之寶祭祀詞表  
用之二曰天下合同之寶降付中書門下省用之三曰  
書詔之寶發號施令用之紹興元年又作玉寶一文曰  
大宋受命中興之寶十六年又作八寶一曰護國神寶  
以承天福延萬億永無極九字為文一曰受命寶以受



命于天既壽永昌為文三曰天子之寶四曰天子信寶  
五曰天子行寶六曰皇帝之寶七曰皇帝信寶八曰皇  
帝行寶皇太子金寶方二寸厚五分文曰皇太子寶凡  
諸臣之印沿唐制用銅諸王及中書門下方二寸一分  
樞密宣徽三司尚書省諸司方二寸除尚書省外皆塗  
金節度使方一寸九分塗金餘並方一寸八分唯觀察  
使塗金高宗建炎後唯三省樞密用銀印餘皆用銅  
遼制皇帝祭山用國服則懸魚三山紅垂飾犀玉刀錯

用漢服袞冕則有劍佩綬通天冠絳紗袍亦有劍佩綬  
皇太子親王及二品以上皆同七品以上去劍佩綬其  
諸臣公服一品以下五品以上皆佩紛鞶囊常服五品  
以上文官佩手中笄袋刀子礪石金魚袋武官鞬鞞七  
事六品以下銀魚袋佩其璽印自太宗會同九年伐晋  
末帝表上傳國寶一金印三其御前寶金鑄文曰御前  
之寶以印臣僚宣命詔書寶文曰書詔之寶凡書詔批  
答用之又契丹寶受契丹冊儀符寶郎捧寶置御坐

東皇太子亦有寶其制未詳凡諸臣之印吏部兵部樞  
密院諸行軍部署中書省諸行宮都部署印並銀鑄餘  
內外百官皆以銅

金制天子禮服玉具劍佩綬乘輿服大綬小綬間施三  
玉環白玉雙佩玉鈎釵袞服佩綬同用鎮圭大圭皇太  
子禮服亦有瑜玉雙佩四采綬玉環執桓圭朝服則雙  
魚袋臣下朝服正一品佩劍玉環綬玉珠佩二品以下  
不佩劍玉環綬並同四品銀環綬珠佩御史中丞青荷

蓮綬正五品以下銅環綬銀珠佩監察御史青綬凡公服皆加襴帶皇太子佩玉雙魚袋親王佩玉魚一品至四品金魚五品服紫者金魚服緋者銀魚符印悉掌于禮部其寶璽熙宗皇統二年始鑄金御前之寶一書詔之寶一世宗大定十八年製大金受命寶以大金受命萬世之寶為文二十三年製宣命之寶金玉各一又太子之寶世宗大定二十四年鑄金寶文曰監國其百官印三師三公親王尚書並金印一品二品金鍍銀印三

品以下並銅印

元天子冕服則有玉佩玕瑀瑤衝牙各一璜二玉環綬  
玉鎮圭長一尺二寸皇太子袞服亦有玉佩三獻官及  
司徒大禮使祭服有紅組金綬紳玉佩助奠以下諸執  
事有織金綬紳銅佩其璽印天子之寶有八一日受命  
寶二曰傳國寶三曰天子之寶四曰皇帝之寶五曰天  
子行寶六曰皇帝行寶七曰天子信寶八曰皇帝信寶  
世祖至元元年製玉璽大小十諸臣唯中書令左右丞

相大宗正府扎爾固齊用銀印

明天子袞冕則有玉佩大綬六采小綬三色施玉環玉圭三一長尺二寸刻山四象四鎮之山服袞冕時用之一長如冕服之圭有脊服皮弁時用之一視鎮圭差小刻上方下服武弁時用之皮弁服用白玉佩玉鈎鑿皇太子冠服初用五采綬後更定大綬四采小綬三采施玉環金鈎鑿玉佩玉圭長九寸五分親王冠服制如東宮惟圭長九寸二分親王世子佩白玉元組綬施玉環

圭長九寸郡王冠服佩綬玉圭與親王世子同郡王長  
子錦鷄綬玉佩其文武官朝服一品二品三品佩玉四  
采綬一品施玉環二品施犀環三品施金環四品以下  
佩藥玉明初寶璽十七其大者曰皇帝奉天之寶曰皇  
帝之寶曰皇帝行寶曰皇帝信寶曰天子之寶曰天子  
行寶曰天子信寶曰制誥之寶曰敕命之寶曰廣運之  
寶曰皇帝尊親之寶曰皇帝親親之寶曰敬天勤民之  
寶此外又有御前之寶表章經史之寶及欽文之璽成

祖又製皇帝親親之寶皇帝奉天之寶誥命之寶敕命之寶嘉靖十八年新製七寶曰奉天承運大明天子寶大明受命之寶巡狩天下之寶垂訓之寶命德之寶討罪安民之寶敕正萬民之寶皆尚寶司掌之皇太子寶周尺方五寸九分厚一寸七分用金龜紐篆書皇太子寶親王寶與皇太子同其實亦用龜紐依周尺方五寸二分厚一寸五分文曰某王之寶郡王鍍金銀印其百官印信正一品銀印三臺方三寸四分厚一寸六分部



都察院並在外各都司俱正二品銀印方三寸二分厚  
八分其餘正二品從二品銀印二臺方三寸一分厚七分  
唯衍聖公以正二品三臺銀印則景帝景泰三年賜也  
順天應天二府印方二寸九分厚六分俱正三品銀印  
其餘則皆銅印其方自二寸九分至一寸九分各依其  
品差降百官唯文淵閣銀印直紐玉箸篆文武臣受重  
寄者征西鎮朔平蠻諸將軍銀印虎紐方三寸三分厚  
九分柳葉篆文其他文武大臣有領敕而權重者或給

以銅關防直紐唯監察御史每道鑄二印文曰繩愆糾  
繆守院御史掌其一其一藏內府有事則受以出復命  
則納之



欽定續通志卷一百二十三

欽定四庫全書

史部

欽定續通志卷一百二十四至

一百二十六

通政使司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百二十四

器服畧三

天子車輅

真等謹案鄭志本門列天子車輅標題攷下首列

五輅次各輅於歷朝之制度甚詳乃其標題攷行  
復出五輅字樣似與各標題未為畫一今並刪去  
宋神宗元豐中置局造輅而五輅副輅多仍唐舊制宗

政和三年議禮局更上皇帝車輅之副詔頒行玉輅箱  
上置平盤黃屋飾以金塗銀山花葉及翟羽青絲絡帶  
銅佩銀穗毬四角勾闌青畫輪轅前轅三並加金塗銀  
螭頭橫轅施銀立鳳十二左建太常十有二旒右載闔  
戟駕青馬六馬飾鴟羽鞶纓青織屨錦包尾踏路馬二  
在輅前凡大祭祀乘之金輅亦質以金飾諸末建大旗  
駕赤馬六凡玉輅之飾以青者金輅以緋象輅淺黃質  
以象飾諸末建大赤駕赭白六凡玉輅之飾以青者象

輅以銀褐革輅黃質輓之以革建大白駕騮馬六凡玉輅之飾以青者革輅以黃木輅黑質建大麾駕黑騮六凡玉輅之飾以青者木輅以皂凡玉輅用金塗銀裝者象輅革輅木輅及五副輅並金塗銅裝高宗紹興後再制玉輅青色飾以玉綴垂玉佩遇雨則覆以油黃繒軾有牌鏤曰玉輅以玉篆之左建太常右建龍旗駕青馬六駕士二百三十二人金輅黃色飾以金塗銀建大旗九旂駕黃馬六駕士一百五十四人象輅朱色飾以象

及金塗銅建大赤七旂駕赤馬六駕士一百五十四人  
革輅淺黃白色飾以金塗銅建大白六旂駕黃白馬六  
駕士一百五十四人木輅黑色飾以金塗銀建大麾四  
旂駕黑馬六駕士一百五十四人其五輅駕士服色並  
各隨其輅

遼太宗會同元年晉使馮道劉煦等備車輅法物上皇  
帝皇太后尊號冊禮自此有天子車服五輅其玉輅祀  
天地享宗廟朝賀納后用之青質玉飾黃屋左纛十二

鑿在衡二鈴在軾龍軸左建旂十二旒駕蒼龍金麥鏤  
錫鞶纓十二就金輅饗射祀還飲至用之赤質金飾餘  
如玉輅色從其質駕赤騶象輅行道用之黃質象飾駕

黃騶革輅巡狩武事用之白質革輅駕白翰木輅田獵

用之黑質漆飾駕黑駱

按契丹舊俗有租車大車婦人  
乘馬亦有小車貴者加之華飾

會同中始製天子車服  
其國輿舊制仍參用之

金制五輅玉輅金輅制闕象輅黃質金塗銀裝以象飾  
諸末輪衣以銀褐建大赤革輅黃質鞅之以革金塗銅



裝輪衣以黃建大白木輅黑質漆之輪衣以皂建大麾  
元制五輅玉輅青質金裝飾以玉輪衣絡帶色從其質  
左建太常旂十有二旂右建闡戟一九旂輅馬誕馬並  
青色駕士平巾大袖並青繪紵絲為之金輅赤質金裝  
飾以金塗鍮石餘如玉輅色從其質輅馬誕馬並赤色  
駕士平巾大袖並緋繡紵絲為之象輅黃質金裝飾以  
描金象牙輅馬誕馬並黃色駕士平巾大袖並黃繡紵  
絲為之革輅白質金裝飾以描金白檀輅馬誕馬並白

色駕士平巾大袖皆白繡紵絲為之木輅黑質金裝飾以描金紫檀輅馬誕馬並黑色駕士平巾大袖皆紫繡紵絲為之

明永樂三年定鹵簿大駕有大輅玉輅大輅高一丈三尺九寸五分廣八尺二寸五分輅座平盤前後車檣並雁翅及四垂如意滴珠板轅輪軸輻皆紅髹輅亭四柱前左右有門俱用雲龍飾繪五采雲冒以黃綺謂之黃屋左右轉角闌干後樹太常旗二以黃線羅為之皆十

有二旂每旂內外繡升龍一左旗腰繡日月北斗右旗腰繡散字綴金銅鈴二垂紅纓十二衛以黃絹幘衣以二象駕之玉輅亦駕以二象制如大輅

臣等謹按鄭志五輅之後繼以副車即副輅也今考唐以後唯宋有五副輅自遼及明五輅或多不備亦無副輅云

耕根車

宋制耕根車青質蓋三層餘如五輅之副駕六青馬駕北四十八南渡後改用七十五人親祠

具大駕前簿並列于仗內若耕耤則乘之遼耕根車青質蓋三重餘如玉輅耕耤用之金耕根車亦青質制如

玉輅而無玉飾明嘉靖十年帝將耕藉田詔造耕根車  
禮官上言考明集禮耕藉用宋制乘玉輅以耕根車載  
耒耜同行今考儀注順天府官奉耒耜及種桂種置彩  
輿先於祭前二日而出今用耕根車以載耒耜宜令造  
平於祭祀日早進呈置耒耜先玉輅以行第藉諸禮書  
祇有圖式而無高廣尺寸宜依今製車式差小通用青  
質從之

明遠車

宋明遠車即古四望車駕以牛太祖乾德元年  
改用四馬赤質制如屋重欄勾闌上有金龍四

角垂銅鐸上層四面垂簾下層周以花板三轅駕士四  
十人服繡對鳳衣遠明遠車亦名四望車金飾青油纈

朱粟通幟駕牛金明遠車制如屋銳頂重簷勾闌頂上  
有金四角垂鐸上層四面垂簾下層周以花板三轅

進賢車

宋制進賢車即古安車太祖乾德元年改赤質  
兩壁紗窻擊耳虛匱一轅緋幟衣絡帶門簾皆

繡鳳紅絲網中設朱漆牀香案紫綾案衣緋繒裏鞞索  
朱漆行馬駕四馬駕士二十有四人連進賢車亦名安  
車金飾重輿曲壁八鸞在衡紫油纒朱裏愜朱絲絡網  
駕赤駟朱鞞纒金進賢車赤質如革車緋綸衣絡帶門

簾畫鳳上設朱漆牀  
香案紫綾衣一轅

羊車

宋制羊車即古輦車亦為畫輪車駕以二小馬亦  
質兩壁畫龜文金鳳翅緋愜衣絡帶門簾皆繡瑞

羊童子十八人連羊車赤質兩壁龜文鳳翅緋衣絡帶  
門簾皆繡瑞羊畫輪駕以牛童子十八人服繡瑞羊挽  
之金羊車赤質兩壁油畫龜文金

鳳翅愜衣絡帶并繡瑞羊二轅

指南車

宋指南車亦名司南車赤質兩箱畫青龍白虎  
四面花鳥重臺勾闌樓拱四角垂香囊上有似

人車雖轉而手常指南一棘鳳首駕四馬  
駕士十八人太宗雍熙四年增為三十人

記里鼓車

宋制記里鼓車一名大章車赤質四面畫花鳥重臺勾闌鏤拱行一里則上層木人擊鼓

行十里則次層木人擊鐺一轅鳳首駕四馬  
駕士十八人太宗雍熙四年增為三十人

鸞旗車

宋制鸞旗車赤質曲壁一轅上載赤旗繡鸞鳥駕四馬駕士十八人

崇德車

宋制崇德車本秦碑惡車上有挑孤棘矢所以禳除不祥太祖乾德元年改赤質周施花板四

角刺辟惡獸中載黃旗亦繡此獸太卜署令一人在車中執旗駕四馬駕士十八人

皮軒車

宋制皮軒車冒以虎皮為軒赤質曲壁上有柱貫五輪相重畫虎文駕四馬駕士十八人金皮

軒車赤質上有漆柱貫五輪相重畫虎文一轅

黃鉞車

宋制黃鉞車赤質曲壁中設金鉞一錦囊納扛左武衛隊正一人在車中執鉞駕二馬駕士十

五人

豹尾車

宋豹尾車制同黃鉞車上載朱漆竿首綴豹尾右武衛隊正一人執之駕二馬駕士十五人

屬車

宋制屬車一曰副車一曰貳車一曰左車黑質兩箱輦裝前有曲闌金銅飾上施紫通幃絡帶門簾

皆繡雲鶴紫絲網帕

每乘駕二牛駕士十人

五車

宋制國簿有青旌車赤質曲壁中載青旌以絳帛為之畫青鳥于其上鳴鳶車赤質曲壁中載鳴鳶

旌以絳帛為之畫鳴鳶于其上飛鴻車赤質曲壁中載飛鴻旌以絳帛為之畫飛鴻于其上虎皮車赤質曲壁

中載虎皮旌以絳帛為之緣以赤畫虎皮于其上鸞駝

車赤質曲壁中載鸞駝車以絳帛為之緣以赤畫鸞駝

于其上其

轅皆一

涼車

宋制涼車赤質金塗銀裝龍鳳五采明金織以紅黃藤油壁緋絲縹龍頭梅紅羅得銀嵒頭穗毼雲

系踏頭蓮花座在道及校獵曰則乘之遼制涼車赤質金塗

索駝省方在道及校獵曰則乘之遼制涼車赤質金塗

銀裝五采龍鳳織藤油

壁緋條運座駕以索駝

白鷺車 宋制白鷺車一名鼓吹車赤質周施花板上有

綾帶輪衣以緋皂頂及緋絡帶並繡飛鷺

一轅駕四馬駕士十八人金制亦如之

總纛車 遼制總纛車 駕以御駝

皇太后皇后車輅

宋因唐制皇后車六等一日重翟二曰厭翟三曰翟車



四曰安車五曰四望車六曰金根車初用厭翟車徽宗  
政和三年議禮局上皇后車輿之制重翟車青質金飾  
諸末間以五采輪金根朱牙其箱飾以重翟羽青羅幪  
衣青絲絡網紫羅畫雲龍絡帶青羅畫雲龍幔紫羅畫  
帷駕青馬六馬挿翟羽鞶纓青屨青包尾若受冊謁景  
靈宮則乘之厭翟車赤質其箱飾以次翟羽紫幪衣紅  
絲絡網紅羅畫絡帶夾幔錦帷餘如重翟車駕赤騮四  
若親蠶則乘之翟車黃質其車側飾以翟羽黃幪衣黃

絲絡網錦帷絡帶餘如重翟車駕黃駟四安車赤質金飾間以五采紫憶衣錦帷絡帶紅絲絡網駕赤駟四凡駕馬擊纓之飾並從車質四望車朱質青憶衣餘同安車金根車朱質紫憶衣餘同安車駕牛三自重翟車以

下備鹵簿則皆以次陳設

按遼史儀衛志不具皇太后皇帝車輅之制惟於國輿內

載祭山儀見皇太后升總轡車納后儀見皇后就車于漢輿內載永壽節儀皇太后乘小犂冊承天太后儀皇太后乘平頭即此可畧稽其制度矣

金皇后之車六一曰重翟車青質金飾紫羅銷金生色

寶相帷青羅青油憶衣各一朱絲絡網紫羅明金色  
雲龍絡帶各二兩箱明金五彩間裝翟羽二長轅鳳頭  
三橫轅立鸞八香爐香寶子一青羅明金生色雲鳳夾  
幔一紅竹簾二油蒙帕一行道褥尋儀褥羅及裹索用  
青二曰厭翟車赤質倒仙錦帷一紫羅紫油憶衣各一  
朱絲絡網宜男錦絡帶各二餘同重翟唯行道尋儀褥  
羅及裹索等用紅三曰翟車黃質金飾宜男錦帷黃羅  
油憶衣長轅鳳頭三無橫轅立鸞餘同厭翟而羅色用

黃四曰安車赤質倒仙錦帷紫油憶衣朱絲絡網天下  
樂錦絡帶長轆鳳頭三無橫轆立鸞及香爐香寶子餘  
同翟車而色皆用紅五曰四望車朱質宜男錦帷青油  
憶衣轆端螭頭二餘同安車六曰金根車朱質紫羅紫  
油憶衣朱絲倒仙錦絡帶各二餘同安車後復改造圓  
輅重簷方輅五華亭頭平頭六等之制圓輅車方輅車  
重簷車皆駕馬四駕士各五十人平頭輅五華輅亭頭  
輅昇士各九十六人又增制九龍車一五鳳車四

明制皇后輅高一丈一尺三寸有奇平盤前後車檣並雁翅四垂如意滴珠板輅亭四柱飾以金鸞鳳及雲文上施黃綺帷幔四周繡鳳前後左右有轉角闌干皆飾以花其安車高九尺七寸有奇平盤前後車檣並雁翅板輅輪軸輻皆紅髹帷幔用黃綺紅簾幃衣其制大畧與輅同其太皇太后皇太后之輅與皇后同

皇太子皇子車輅

後唐明宗長興元年博士段顯奏冊拜諸王宜依唐開

元禮今秦王受冊宜乘輅車

宋初皇太子皇子車路無定制真宗仁宗為太子時謁  
太廟乘金輅常朝則乘馬徽宗政和三年議禮局上皇  
太子車輅之制金輅赤寶金飾諸末重較箱畫莖文鳥  
獸黃屋伏鹿軾龍軸金鳳一在軾前設障塵朱蓋黃裏  
輪畫朱牙左建旗九旒右戴闔戟八鸞在衡二鈴在軾  
駕赤騮四金錢方鈇挿翟尾鏤錫鞞纓九就從祀謁太  
廟納妃則供之輅車金飾諸末紫油通憶紫油繡朱裏

駕馬一四望車金飾諸末青油通憶青油纁朱裏朱絲  
絡網駕馬一

遼皇太子車輅其金輅從祀享正冬大朝納妃用之其

受冊儀則乘黃令陳金輅皇太子升降玉輅

按遼皇太子金輅制

度遼史及葉隆契丹國志皆不載或沿唐宋之制也

其輅車五日常朝享宮臣

出入行道用之金飾紫憶朱裏駕一馬四望車金飾紫  
油纁通憶駕一馬

金皇太子車制世宗大定六年奏皇太子金輅典故制

度及上用金輅儀式奉勅詳定凡應用龍者更以麟為飾其制赤質金飾諸末重較箱畫虞文鳥獸黃屋軾作赤伏鹿龍輶金鳳一軾前設障塵朱蓋黃裏輪畫朱牙左建九旒右闐戟八鸞在衡二鈴在軾駕赤駟四金錢

方鉞挿翟尾鏤錫鞶纓九就

按元史及元典章諸書皆不載元皇后皇太子車輅

之制蓋元至治元年英宗親祀太廟始詔中書及太常禮儀院禮部撰制五輅以平章政事張瑄等董其事是年玉輅成明年親祀御之其金輅等四輅工未成而罷剛下此之無定制益可知矣

明皇太子金輅高一丈二尺二寸有奇廣八尺九寸輅



座平盤滴珠板轆輪軸輻同玉輅輅亭四柱皆紅前左  
右有門施紅羅帷幔外用紅簾左右轉角闌干亭後紅  
旗二以紅羅為之九旒每旒內外繡升龍一左旗腰繡  
日月北斗右旗腰繡徽字親王象輅其高視金輅減六  
寸廣減一尺輅座輅亭四柱皆紅前左右有門其帷幔  
紅簾之制皆同金輅紅旗二與金輅所樹同皇孫車成  
祖永樂中定皇太孫婚禮儀伏如親王降皇太子一等

按皇太孫車制歷代  
未制唯明初有之

公卿大夫等車輅

宋初定羣臣車輅之制親王一品二品奉使及葬並給  
草輅制同乘輿之副唯改龍飾為螭六引內三品以上  
乘革車赤質制如進賢車無柁駕四赤馬駕士二十五  
人緋幘衣絡帶旗戟紉杠繡文司徒以瑞馬京牧以隼  
御史大夫以獬豸兵部尚書以虎太常卿以鳳縣令乘  
軺車黑質一轅金銅飾紫幘衣絡帶並繡雉啣瑞草駕  
二馬駕士十人人徽宗政和六年禮制局言古之諸侯

出封於外同姓錫以金輅異姓錫以象輅來覲則不敢  
乘金輅象輅以同於王當降而乘黑車若公侯采地在  
天子縣內者則為都鄙之長大司馬所為師都建旃是  
矣今開封牧列職於朝與御史大夫同為之卿可也其  
在同官則卿大夫之職是矣又無金輅象輅之錫而乃  
自比於古之諸侯來覲而乘墨車可乎成周上公九命  
車旗以九為節故建常九旒自此以降俱各視其命之  
數則卿之建旃當用六旒大夫建物當用四旒至於三

旂則上士所建也其開封令宜乘墨車而建物四旂開封牧御史大夫戶兵禮部尚書皆御也宜乘夏纁而建旂六旂從之

金王公以下車劄一品轅用銀螭頭涼棚杆子月板並許以銀裝飾三品以上螭頭不得施銀涼棚杆子月板亦聽用銀為飾五品以上轅獅頭六品以上轅雲頭

明百官乘車之制太祖洪武元年令凡車不得雕飾龍鳳文職官一品至三品用間金飾銀螭繡帶青纁四品

五品素獅頭繡帶青纓六品至九品用素雲頭青帶青纓武宗正德四年禮部侍郎劉機言大明集禮公卿大臣得乘安車帝以京城內安車久不行却其請

王妃命婦等車

後晉高祖天福四年門下奏據太常禮院定長安公主出降儀太僕寺供厭翟二馬車

宋制皇太子妃用厭翟車駕以三馬內命婦用厭翟車從車六乘又定制九嬪用翟車婕妤以下用安車並駕

二馬從車九嬪四乘婕妤以下三乘外命婦亦有厭翟  
車駕一馬馭八人非公主王妃並乘白銅飾犢車駕牛  
從車六乘二三品四乘四品以下二乘

遼公主下嫁用青憶車二螭頭蓋部皆飾以銀駕用駝  
金章宗明昌元年定妃嬪車輦之制用鍍金鳳頭黃結

御妻世婦用間金鳳頭梅紅結子

按字文懋昭大金國志載金后妃用殿車

其中如五花樓之狀上以錦緞青氍為蓋四圍以簾秋  
冬亦用氍或四輪或兩輪並朱車之四角后用金鳳妃  
用金孔雀金史失  
載附識以資考証

明皇妃車曰鳳轎其制青頂上抹金銅珠頂四角抹金  
銅飛鳳各一轎身紅髹木匡三面繪以翟文紅簾其交  
牀坐踏褥皆用紅銷金羅東宮妃及王妃車亦曰鳳轎  
制畧同公主車沿宋制用厭翟車其後亦有鳳轎與妃  
同

輦輿

宋太祖建隆四年翰林學士承旨陶穀為禮儀使始造  
大輦赤質正方油畫金塗銀葉龍鳳裝其上四面行龍

雲氣火珠方鑑四角龍頭銜香囊頂輪施耀葉中施黃  
褥上置御座扶几香爐錦結綬几衣輪衣絡帶並緋繡  
黃羅緣席褥主輦六十四人親祀南郊謁太廟還及省  
方還都則乘之神宗以後因其制太繁重稍減之徽宗  
政和時更其制黃質其衣帶皆用黃色車箱四圍于程  
之外高二尺二寸設試於前楹軾高三尺二寸建大旗  
於後楹旂十二旂其色黃繪以交龍素帛為繆繪以日  
月其芳亭輦黑質頂如幕屋緋羅衣裙襪絡帶皆繡雲



鳳兩面朱綠窻花板外施紅絲網網金銅盼鏘前後垂  
簾下設牙牀勾閣主輦一百二十人政和時畧改其制  
簾以紅羅繡鴉為額其鳳輦赤質頂輪下有二柱緋羅  
輪衣絡帶門簾皆繡雲鳳頂有金鳳一兩壁刻畫龜文  
金鳳翅前有軾匱香爐香寶結帶內設紅錦褥主輦八  
十人其道遙輦以梭欄為屋赤質金塗銀裝朱漆扶板  
長竿二飾以金塗銀龍頭常行幸所御輦官十二人東  
封時別造辟塵道遙輦加牕隔黃繒為裏賜名省方道

遙輦南渡後稍減其制為簡素平輦飾如逍遙輦而無  
屋輦官十二人東封時別造升山天平輦施機關賜名  
登封輦七寶輦則孝宗隆興二年製高五尺一寸濶二

尺七寸深三尺六寸比附大輦平輦制度為之

按宋初輦制頗

繁南渡後惟存大輦平輦逍遙輦餘皆不置

其輿制帝所御有小輿亦質頂

輪下施曲柄如蓋緋繡輪衣絡帶制如鳳輦而小中設  
方牀緋繡羅衣錦褥上有小案坐牀皆繡衣踏牀緋衣  
奉輿二十四人南渡後稍更其制宮殿從容所乘設鹵

薄則陳之又腰輿緋繡鳳裙襪上施錦褥別設小牀緋繡花龍衣奉輿十六人南渡後亦加裁減其皇太后龍輿自東都皇太后多垂簾皆抑損遠嫌不乘輦乃止用輿哲宗既嗣位尊朱貴妃為皇太妃乘檐子有司請用牙魚鳳為飾元祐三年太皇太后詔有司尋繹典故於是檐子飾以龍鳳九年羣臣議改檐子為輿上飾行龍五高宗紹興初詔造皇太后龍輿其制朱質正方金塗銀飾竿頭螭首楮牕紅簾上覆以椽加走龍六內設黃

花羅帳裯褥朱椅踏子紅羅繡巾二其皇后龍肩輿一名梭檐子一名龍檐子皆南渡後所製東都皇后本乘厭翟車常乘則白藤輿南渡後多用檐子其制方質梭頂施走脊龍四走脊雲子六紅黃藤織百花龍為障緋門簾看窻簾朱漆藤坐椅踏子紅羅裯褥軟屏夾幔其諸臣肩輿之制自神宗優待宗室老疾不能騎者許乘肩輿南渡後人臣無乘車之制詔許百官乘轎王公以下俱乘之其制正方飾有黃黑二等以篾席為障左右

設幄前施簾名曰竹轎子亦曰竹輿

程大昌演繁露  
百官於寓京乘轎

自揚州始光時百官  
雖在外亦下許乘

其內外命婦乘銀裝白藤輿檐

遼制皇帝大鳳輦赤質頂有金鳳壁畫雲氣金翅前有

軾下有勾闌絡帶皆繡雲鳳銀梯主輦八十人芳亭輦

黑質幕屋緋闌皆繡雲鳳朱綠夾窻花板紅網兩簾四

竿銀飾梯主輦一百二十人逍遙輦常用之棧屋赤

質金塗銀裝紅條輦官十二人平頭輦亦常用之制

如逍遙輦無屋其大芳輦小輦仙遊輦大玉輦小玉輦

步輦制俱不詳或不常御也腰輿之制前後長竿各二  
金銀螭頭緋繡鳳襪上施錦褥別設小牀奉輿十六人  
小輿赤質青頂曲柄緋繡絡帶制如鳳輦而小上有御  
座奉輿二十四人

金制皇帝大輦赤質正方油畫金塗銀葉龍鳳裝其上  
四面施行龍雲朶火珠方鑑頂輪施耀葉內設圓鑑香  
囊中施黃褥上置御座曲几香爐錦結綬几衣輪衣絡  
帶皆緋繡雲龍寶相花其七寶輦制如大輦飾以玉裙

網七寶滴子用真珠其皇后之輦有平頭輦五華輦亭  
頭輦舁士各九十六人

元皇帝用腰輿制以香木後背作山字牙嵌七寶粧雲  
龍屏風上施金圈焰明珠兩旁引手屏風下施雕鏤雲  
龍牀坐前有踏牀錦褥一生上貂鼠緣金錦條褥又有  
象輜駕以象凡巡幸用之

明制大馬輦其制高一丈二尺五寸九分廣八尺九寸  
五分輦座四柱皆紅髹前左右有門門旁榻各二後榻

三外用紅簾輦頂并圓盤上下俱紅髹唯輦蓋用青飾其銅龍蓮座寶蓋黃屋太常旗悉同大輅駕以八馬備鞍韉鞦轡鈴纓之飾其小馬輦高廣之制及前左右門榻皆較大馬輦而稍減之駕以四輦步輦高一丈二尺二寸有奇廣八尺二寸有奇輦座四周雕木五彩雲龍板間以渾貼金仰覆蓮座轅四紅髹輦亭四柱前左右有門門旁榻各二後用紅屏風雕沉香色描金雲龍板其紅簾輦蓋天輪幘衣之屬俱同馬輦其大涼步輦高



一丈二尺五寸有奇廣一丈二尺五寸有奇四面紅髹  
匡裝雕木五彩雲板間以貼金仰覆蓮座紅轆六前後  
俱飾以雕木貼金龍頭龍尾輦亭四柱前左右有門門  
旁榻各二後榻三皆紅髹亭底上施墊氈加紅錦褥并  
席紅坐椅一四周雕木沉香色描金寶相花其褥裙帷  
幔與馬輦同內設紅卓紅錦墩外紅簾三扇輦頂四周  
施黃綺瀝水三層繡五彩雲龍文頂下四周以紅氈為  
帷黃氈緣條亭內寶蓋繡五龍頂冒以黃綺為黃屋四

繡雲龍亭前左右皆有轉角闌干其柱飾及階梯之屬俱與馬輦同又皇帝所乘之轎其制高六尺九寸有奇其頂紅髹裝圓匡蚰房窻鍍金銅火鍍寶帶左右門二轎內坐椅一椅內黃織金綺靠坐褥四周椅裙下鋪席并階褥有黃絹轎衣油絹雨衣各一世宗嘉靖十三年謁廟帝及后妃俱乘肩輿出宮以後郊祀慶成宴亦多乘板輿其皇妃東宮妃用鳳轎親王妃公主同郡王妃及郡主用翟轎制與鳳轎同第易鳳為翟其百官所用

之轎景帝景泰四年令在京三品以上得乘轎武宗正  
德四年禮部侍郎劉機請定轎扇品級等差世宗嘉靖  
十五年禮部尚書霍韜言禮儀定式京官三品以上乘  
轎邇者文武皆用肩輿乞申明禮制俾臣下有所遵守  
凡令四品以下不許乘轎亦毋得用肩輿馬

欽定續通志卷一百二十四